



Plata dla Ploania Antermëia Sant'Antone Abat

Ploan: **siur Klaus Sottsass**
E.mail: klsottsas@rolmail.net
Curat: **siur Paul Campej**
E-mail: campei.paul@rolmail.net

Calonia: 0474/520012
Siur Paul: 380 7345533
Siur Klaus: 344 1554055

UNITÉ PASTORALA



VAL BADIA
www.unitepastorala.org

Ann C

20.03.2022 - 27.03.2022 - Terza domënia de
Carsëma

n. 17

Le debojëgn da dé ota

📖 Is 6, 1–2a.3–8 | 1 Cor 15, 1–11 | Lc 5, 1–11

Dal Vangele do San Lüca:

¹Te chël tëmp n'él gnü n valgügn da Gejù y ti à cuntè de chi galilês che Pilatus â lascè copè tratan l'oferta, tan che so sanch s'â moscedè cun chël di tiers che gnò ofris. ²Al ti à dit: Minëise os, che mâ chi galilês sides stà picíadus deach'ara ê sozedüda insciö impara, y düc i atri galilês no? ³Nou, al contrar: i moriarëis avisa insciö, sc'i ne se convertiarëis nia. ⁴O chi dejedot, che é gnüs copà dala roina dla tor de Scìloah – minëise che mâ chi s'ais cíarié ados na colpa y düc i atri abitané de Ierusalem no? ⁵Nou, al contrar: Os düc moriarëis avisa insciö, sc'i ne se convertiarëis nia. ⁶Y al ti à cuntè chësta parabola: N'él â n lëgn da fighi te süa vigna; y canch'al ê gnü a cíarè do sc'al portâ früc, nen n'al cìafè degügn. ⁷Dailò àl dit a so vignadù: Sëgn vëgni bele trëi agn alalungia a cíarè do sce chësc lëgn porta früc y i nen cìafi degügn lassura. Màzele ia! Cíodí dëssel pa ti tó inant la forza ala tera? ⁸Le vignadù ti à respognü: Làscele cíamò impé chësc ann; i ô sapè sö la tera incëria y l'incultè. ⁹Forsc pôrtel impò cíamò früc; sce nia, làscele spo mazè ia.

Oraziun dl de



Periun! Dî, nosc Pere, fontana dla misericordia y dla buntè, i sun picíadus dan da tè y nosta cosciënza nes incolpëia: cíara sön nosta meseria y làscesse cìafè pordonn cun la penitënza, l'oraziun y les opres de cíarité. Por nosc Signur Gejù Crist, to Fi, che é Dî y vir y regnëia cun tè tl'unité dl Spirit Sant por düc i secui di secui. – Amen.

📖 *Letöres dla Cuarta domënia de Carsëma "Laetare":*
Ios 5, 9a.10–12 | 2 Cor 5, 17–21 | Lc 15, 1–3.11–32

Edema liturgica dai 20.03. ai 27.03.2022

2022	Ora	Mëssa
3^a DOMENIA 20.03 DE CARSEMA <i>oferta por la dlijia</i>	9.30 10.00	<i>Staziuns (jogn)</i> Gran Mëssa por la comunité 2^a de sop. + sr.Maria Goretti (Angela) Canazzei families Dejaco, Maier + Amalia Erlacher + Iarone Erlacher
LÖNESC 21.03	8.00	s. Mëssa ad intenziun
MERTESC 22.03	17.00	<i>Staziuns</i>
MERCUI 23.03	7.25	s. Mëssa di scolari ++ Pire y Linda Sottrovisch
JÖBIA 24.03	17.00	<i>Staziuns</i>
VENDRES 25.03 Anunziaziun dl Signur	7.25	s. Mëssa ++ Edith y Paul Prousch
SABEDA 26.03	18.00	s. Mëssa prefestia <i>ital.</i> aniv. + Franco Milone
<i>ora legala</i> 4^a DOMENIA 27.03 DE CARSEMA dé di seminars <i>oferta por la dlijia</i>	9.30 10.00	<i>ora legala</i> <i>Staziuns (jones)</i> Gran Mëssa por la comunité 3^a de sop. + sr. Maria Goretti Canazzei aniv. + Carlo Rubatscher



Informaziuns y terminns

Staziuns: sce val sorvidú/essa ó gni de süa buna a sorví dales staziuns él sanbëgn bëgn odü.

Contribut por la dljia: I ëis ciafè tla ultima plata i cunc dla ploania y tl medemo tëmp l'invit a paié l'contribut – 30 €. Sëis dër bel peria de contribuí a curí les spëises che la dljia y calonia à. Savun che döt é gnü plü cer, ince les spëises dla dljia y calonia. N gran dilan al Consëi de aministraziun, che sun tol sura dles spëises y di cunc. Dilan!

AZIUN DLES PRIMULES 2022 - L'Uniun dles Patrones dl Comun da S. Martin de Tor organisëia la venüda de ciüf da d'ainsciöda por l'**Uniun dla Südtiroler Krebshilfe**: la **sabeda sëra ai 02 d'aurì** dô mëssa y la **domënia ai 03 d'aurì** dô gran mëssa. I ciüf vëgn venüs chisc 2 dis te düc 3 i paisc dl Comun da S. Martin, **dagnora dô mëssa**.

Comun – dai 12.03.2022 ai 29.04.2022 sará **stlüta al trafich la strada Antermëia – Planmurin tla localitè “Sotiac”** defrunt al fabricat cun nr. zivich 16. L'azés ales ciases da Antermëia cina ala localitè Sotiac è garantì da Antermëia ite, l'azés ales ciases danter Sotiac y Fidelis da Fidelis sö.

L'Aziënda Museums Provinziai chir **n/na afitadin/a** por le bistro dl **Museum Ladin Ciastel de Tor** por i proscimi trëi agn. Informaziuns ciafëis sön la plata internet www.museumladin.it/la/novites.asp o al numer de tel. 0474/524062 (traten i orars de ofize). Domanda scritta cun düc i documënc é da mené cina ai 08.04.2022 dales 12.00 a ml.ml@pec.prov.bz.it

L'Aziënda Museums Provinziai chir por le **Museum Ladin Ciastel de Tor a San Martin** de Tor o por le Museum Ladin Ursus ladinicus **n colaboradù/na colaboradëssa** pro la cassa cun alplü 24 ores al'edema, 4. Livel. Le contrat é a tëmp determiné dai 01.05. ai 31.10.2022. Requisic damaná: Diplom dla scora mesana y implü: Formaziun de almanco 2 agn ti seturs dl comerz, contabilitè, aministraziun o secretariat o 2 agn de scora alta cun ejam ECDL Por informaziuns plü menüdes scrí a info@landesmuseen.it. Mené les domandes cun curriculum vitae y foto anter i 24.03.2022 a info@landesmuseen.it

Dotur – Le dotur **Agreiter Edo** è demez dai 21 ai 23 de merz y vëgn sositituí dala doturia Mahlknecht Margareth 0474 523018 / 349 06 67 034.

La doturia **Grete Mahlknecht** é demez ai 24 y 25 de merz y vëgn sostituida dal dott. Vincenzo Santonocito, Al Plan 351 92 08 697.




La **Cooperativa Turistica Al Plan – San Martin** chir en/na **practicant/a** o en/na **colaboradú/ëssa** por le Front-Office tl tēmp che va dai 01.07 – 31.08.2022. Sce i sēis interessá spo periunse dēr bel da mené Osta candidatōra a direzione@sanvigilio.com anter la fin de merz.

Le **Sci Club d'Al Plan** inviēia dūc – pici y gragn – ala **gara dai schi de Mareo** en domēnia ai 27 de merz dales 09.30 sōn la pista Pedagá. Iscriziuns anter i 24/03 pro l'ufize turistich.



25. März: Fest der Verkündigung des Herrn.
 Gott ist am Werk. Wir erkennen im Wirken des Engels seine Handschrift. Bei ihm ist nichts unmöglich, wenn es ums Leben geht. Eine neue Welt, eine neue Schöpfung soll mit dem angekündigten Kind entstehen. Dort, wo der Himmel offen ist, ist alles möglich!

Mēsses a Rina:	Dom 8.30 Dedol 19.15 Jōb 7.25 Sab 19.15 Dom 8.30
Mēsses a San Martin:	Dom 9.30 Dedol 19.00 Jōb 7.30 Sab 19.30 Dom 9.30

	21.03 - 26.03.2022	Niklas - Teo
	27.03.2022	Magdalena - Alexia - Thomas - Joel C.
	26.03.2022	Silvester Promberger
	27.03.2022	Bernhard Ellecosta
	Les mius aodanzes por le compliagn ti fajunse a Feichter Maria Anna (78) . Döt le bun.	